



POLISI CAFFAEL

Qualifications Wales

Q2 Building, Pencarn Lane
Imperial Park,
Newport
NP10 8AR
☎ 0333 077 2701

www.qualificationswales.org

Cymwysterau Cymru

Adeilad Q2, Lôn Pencarn
Parc Imperial,
Casnewydd
NP10 8AR
☎ 0333 077 2701

Rheoli fersiynau

Cymeradwywyd y fersiwn (1) hon o Bolisi Caffael Cymwysterau Cymru ar 28 Ionawr 2016 gan y Bwrdd Rheoli.

Caiff y ddogfen hon ei hadolygu'n ffurfiol o leiaf unwaith y flwyddyn, a bydd y broses yn cynnwys adolygu effeithiolrwydd y polisi, a pha mor gyfredol ydyw. Disgwylir iddi gael ei hadolygu nesaf erbyn 30 Ionawr 2017 fan bellaf. Yn y cyfamser croesewir adborth ar y polisi hwn. Dylech anfon eich sylwadau i procurement@qualificationswales.org.

Egwyddorion cyffredinol y Polisi Caffael

Mae'r polisi hwn ar gyfer staff Cymwysterau Cymru, ei gyflenwyr a darparwyr nwyddau a gwasanaethau posibl ar gyfer Cymwysterau Cymru. Mae'n egluro'r ffordd mae Llywodraeth Cymru yn rheoli ei weithgarwch o ran caffael a chomisiynu.

Sefydlwyd Cymwysterau Cymru drwy Ddeddf Cymwysterau Cymru fel rheoleiddiwr cymwysterau nad ydynt yn raddau a'r system gymwysterau yng Nghymru. Caiff ei brif nodau a'r materion y mae'n rhaid iddo eu hystyried wrth gyflawni ei waith eu cwmpasu yn Neddf Cymwysterau Cymru 2015. Darperir dolen isod:

<http://www.legislation.gov.uk/anaw/2015/5/contents>

Mae Cymwysterau Cymru yn Gorff a Noddir gan Lywodraeth Cymru, sy'n annibynnol ar y llywodraeth, ac yn atebol i Gynulliad Cenedlaethol Cymru am gyflawni ei ddyletswyddau statudol.

Mae ei weithgarwch caffael yn ddarostyngedig i Reoliadau Cytundebau Cyhoeddus 2015.

Nod y polisi hwn yw egluro'r egwyddorion y bydd Cymwysterau Cymru yn eu defnyddio i gyflawni ei brosesau caffael a chomisiynu.

Diffinio Caffael

Y broses lle mae sefydliadau yn diwallu eu hanghenion am nwyddau, gwasanaethau, gwaith a chyfleustodau mewn ffordd sy'n sicrhau gwerth am arian gydol oes o ran creu buddiannau i'r sefydliad, ond hefyd i'r gymdeithas a'r economi tra'n lleihau niwed i'r amgylchedd i'r eithaf.

Procuring the Future 2006: Sustainable Procurement Task Force (Saesneg yn unig).

Diffinio Comisiynu

Dull gweithredu integredig o ran deall dinasyddion a chymunedau, a defnyddio'r wybodaeth hon i weithio mewn ffordd fwy effeithiol er mwyn sicrhau canlyniadau gwell a dyrannu adnoddau.

Framework document – An Introduction to Commissioning: The Commissioning Academy (Cabinet Office) (Saesneg yn unig)

Egwyddorion y Polisi Caffael

Wrth gyflawni gweithgarwch caffael a chomisiynu, bydd Cymwysterau Cymru yn mabwysiadu'r egwyddorion polisi canlynol yn unol â Pholisi Caffael Cyhoeddus Cymru Llywodraeth Cymru, sy'n briodol ar gyfer sefydliad bach. Mae dolen i Bolisi Caffael Cyhoeddus Cymru isod:

<http://prp.gov.wales/wpps/>

1. Strategol

Caiff caffael ei gydnabod a'i reoli fel swyddogaeth gorfforaethol strategol sy'n trefnu ac yn deall gwariant, yn dylanwadu ar gynllunio cynnar a dylunio gwasanaethau ac sy'n rhan o wneud penderfyniadau er mwyn atgyfnerthu'r gwaith o gyflawni amcanion cyffredinol. Bydd y swyddogaeth gaffael yn mabwysiadu'r arfer gorau a amlinellir ym model aeddfedu caffael Llywodraeth Cymru.

2. Caffael y broffesiynol

Bydd gwariant caffael a chomisiynu yn ddarostyngedig i lefel briodol o gyfranogiad a dylanwad proffesiynol. Bydd gweithiwr caffael proffesiynol yn arwain yr holl weithgarwch caffael a chomisiynu ar gyfer contractau sy'n werth £25,000 a throsodd ac eithrio TAW.

3. Effaith economaidd, cymdeithasol ac amgylcheddol

Caiff gwerth am arian ei ystyried fel y cyfuniad gorau o gostau gydol oes, nid yn unig o ran cynhyrchu arbedion effeithlonrwydd a chanlyniadau o ansawdd da ar gyfer Cymwysterau Cymru, ond hefyd o'r budd gorau i gymdeithas, yr economi a'r amgylchedd, nawr ac yn y dyfodol. Wrth fabwysiadu'r dull gweithredu hwn, bydd Cymwysterau Cymru yn atgyfnerthu ei ddyletswyddau o dan Ddeddf Llesiant Cenedlaethau'r Dyfodol (Cymru) 2015, sef pennu amcanion a fydd yn gwneud y gorau o'i gyfraniad i'r nodau llesiant a amlinellir yn y Ddeddf, gan fabwysiadu dull gweithredu gydol oes ac ystyried effeithiau mwy hirdymor ei weithrediadau.

4. Buddiannau cymunedol

Bydd cyflwyno manteision cymdeithasol, economaidd ac amgylcheddol, drwy roi Polisi Buddiannau Cymunedol ar waith yn effeithiol, yn ystyriaeth hanfodol wrth gaffael a chomisiynu.

5. Dulliau cwblhau agored a hygyrch

Bydd Cymwysterau Cymru yn mabwysiadu dull gweithredu cymesur, yn seiliedig ar risg, o ran caffael er mwyn sicrhau bod pob cyfle am gontract yn agored i bawb, ac na chaiff cyflenwyr lleol llai eu hatal rhag ennill contractau yn unigol, fel consortia, neu drwy rolau o fewn y gadwyn gyflenwi.

Wrth wneud hyn, bydd Cymwysterau Cymru yn anelu at hysbysebu pob contract dros £25,000 ac eithrio TAW (lle nad oes fframwaith addas ar gael), a bydd yn cyhoeddi'r hysbysiadau dyfarnu cysylltiedig ar <https://www.gwerthwchigymru.llyw.cymru/>. Byddwn hefyd yn cymhwyso dull gweithredu Cronfa Ddata Gwybodaeth am Gymwysterau Cyflenwyr ('SQUID') Llywodraeth Cymru o ran dewis cyflenwyr, cyhoeddi blaenraglen contract a hyrwyddo talu'n deg drwy'r gadwyn gyflenwi.

6. Prosesau safonol mwy syml

Bydd y prosesau caffael a chomisiynu yn agored, yn dryloyw ac yn seiliedig ar ddulliau gweithredu safonol a'r defnydd o systemau cyffredin sy'n lleihau cymhlethdod, costau, amserlenni a gofynion cyflenwyr yn briodol.

Bydd Cymwysterau Cymru yn gwneud y defnydd gorau posibl o'r adnoddau e-gaffael sydd ar gael. Ein nod yw talu pob anfoneb gywir yn brydlon, ac rydym wedi mabwysiadu polisi 'dim archeb prynu - dim tâl' ar gyfer ein gweithgarwch caffael.

7. Cydweithredu

Byddwn yn mynd i'r afael â meysydd o wariant cyffredin rhwng cyrff sector cyhoeddus eraill yng Nghymru ar y cyd, lle y bo hynny'n briodol, gan ddefnyddio'r dulliau gweithredu a'r manylebau safonol a gaiff eu rheoli gan y Gwasanaeth Caffael Cenedlaethol er mwyn lleihau dyblygu, er mwyn cael yr ymateb gorau gan y farchnad, ymgorffori egwyddorion y Datganiad Polisi er budd Cymru a rhannu adnoddau ac arbenigedd.

8. Ymgysylltu â chyflenwyr ac arloesedd

Bydd Cymwysterau Cymru yn cynnal deialog â chyflenwyr er mwyn cael yr ymateb gorau gan y farchnad, er mwyn llywio ac addysgu cyflenwyr a sicrhau'r gwerth gorau am arian. Rydym o blaid ymgysylltu y tu allan i'r farchnad ac yn awyddus i ddarparu adborth defnyddiol ar dendrau.

9. Mesur ac effaith

Yn unol ag arferion rheoli da, caiff perfformiad a chanlyniadau o ran caffael eu monitro i atgyfnerthu datblygiad parhaus, a chaiff enghreifftiau o arfer da a gwael eu rhannu'n agored.

Yn ogystal ag egwyddorion Polisi Caffael Cyhoeddus Cymru, bydd Cymwysterau Cymru hefyd yn ystyried y canlynol:

10. Caffael Moesegol

Mae'n rhaid i staff Cymwysterau Cymru, sy'n rhan o'r broses gaffael a chomisiynu, arddangos safonau moesegol uchel yn seiliedig ar onestrwydd, uniondeb a thryloywder. Rhaid cynnal gweithgarwch caffael a chomisiynu mewn modd teg, tryloyw a diduedd o ran cyflenwyr, a chaiff hyn ei brofi drwy

gadw cofnodion trylwyr. Mae'r tîm Caffael yn mabwysiadu'r Cod Ymddygiad a amlinellir gan y Sefydliad Siartredig Caffael a Chyflenwi.

<https://www.cips.org/aboutcips/CIPS-Code-of-Conduct/>

11. Cydraddoldeb ac Amrywiaeth

O dan Ddeddf Cydraddoldeb 2010, mae gan Cymwysterau Cymru ddyletswydd i sicrhau bod nwyddau a gwasanaethau cyhoeddus ar gael i bob defnyddiwr er mwyn sicrhau nad oes un grŵp yn wynebu anfantais wrth gael gaffael ar nwyddau a gwasanaethau cyhoeddus. Caiff materion sy'n ymwneud â chydaddoldeb eu hystyried yn ystod y broses gaffael os ydynt yn berthnasol i'r pwnc dan sylw yn y contract neu'n ymwneud â chyflawni'r contract.

12. Y Gymraeg

Cyn cyhoeddi unrhyw gontract newydd ar gyfer cyflenwi gwasanaethau, bydd Cymwysterau Cymru yn ystyried perthnasedd cynnwys gofynion Iaith Gymraeg yn y contract, ac yn sicrhau bod y cwmni, y sefydliad neu'r unigolyn sy'n ymgymryd â'r gwaith ar ran Cymwysterau Cymru yn cydymffurfio â gofynion perthnasol Ddeddf yr Iaith Gymraeg. Caiff hyn ei gyflawni drwy gynnwys manylion perthnasol gofynion y Ddeddf mewn dogfennau tendr, contractau, cytundebau ac amodau a gofyn am ddatganiadau ar y ffordd y caiff y gwasanaethau hynny eu cyflenwi, lle y bo hynny'n briodol.

13. Ddeddf Llwgrwobrwyo

Caiff Cymwysterau Cymru ei gwmpasu o dan i Ddeddf Llwgrwobrwyo 2010. Mae'r Ddeddf yn rhoi manylion ar droseddau cyffredinol sy'n gysylltiedig â llwgrwobrwyo unigolyn arall neu gael eich llwgrwobrwyo a throstedd gyffredinol sy'n ymwneud â llwgrwobrwyo swyddogion cyhoeddus tramor. Mae hefyd yn cwmpasu trosteddau llwgrwobrwyo ac ymdrechion i ddylanwadu ar y sawl sy'n gwneud penderfyniadau drwy gynnig buddiannau heblaw'r rhai y gallant gael eu cynnig yn gyfreithlon fel rhan o'r broses dendro. Bydd contractau a ddyfernir gan Cymwysterau Cymru ar gyfer nwyddau a gwasanaethau yn cynnwys cymalau sy'n mynd i'r afael â llwgrwobrwyo. Bydd Cymwysterau Cymru yn eithrio ymgeiswyr o broses gaffael os byddant wedi'u collfarnu o dan y Ddeddf Llwgrwobrwyo.

14. Ddeddf Caethwasiaeth Fodern

Bydd Cymwysterau Cymru yn datblygu arferion caffael sy'n sicrhau y caiff y risg o gaethwasiaeth fodern o fewn ei gadwyni cyflenwi ei ddileu neu ei leihau.

I drafod unrhyw ymholiadau am y polisi hwn neu unrhyw gwestiynau am fod yn gyflenwr i Cymwysterau Cymru, ewch i contact.procurement@qualificationswales.org

Perchennog y polisi	Elizabeth Frizi, Pennaeth Caffael
Dyddiad cymeradwyo	28/01/2016
Corff cymeradwyo	Y Bwrdd Rheoli
Dyddiad adolygu'r polisi	30/01/2017
Cynulleidfa'r polisi	Staff Cymwysterau Cymru, cyflenwyr a darpar gyflenwyr
Wedi'i cyhoeddi'n fewnol/allanol	Wedi'i gyhoeddi'n fewnol ac yn allanol

